

Promocion enorme pa Ray Buckley

Prome Arubiano a bira Gerente General di Refineria di Valero

ORANJESTAD (AAN): E noticia grandi di Diahuebs, sin duda ta e hecho cu Valero Energy Corporation a anuncia cu Ray Buckley a worde nombra Vice-Presidente y Gerente General di e refineria na Aruba, di forma cu el a bira e prome Arubiano cu ta ocupa e puesto halto aki di liderato na e refineria.

Buckley pues ta reemplaza Martis Parrish, kende awor ta bay pa e oficina corporativo di e compania na San Antonio (Texas), pa sirbi como Vice-Presidente di Regional Refinery Operations. Parrish lo tin supervision riba cuatro

di e refinerianan di e compania, incluyendo esun di Aruba.

Ray Buckley ta trahando cu e refineria pa 15 aña caba, y a sirbi den varios puesto di gerencia dentro di e divisionnan di operacion y ingenieria na e refineria, lo mas recien como e director di operacion di e planta. Buckley tin un grado di bachillerato den Chemical Engineering di Worcester Polytechnic Institute na Worcester, Massachusetts na Merca.

"Ray tin un historia largo cu e refineria di Aruba, y el a haci un bon trabao pa lidera mehoramentonan grandi den e operacion di e planta, specialmente pa loke ta trata confiabilidad y seguridad," ta loke Richa Marcogliese a bisa, kende ta senior vice-president di refining operations pa Valero. "E tin un estilo fantastico di maneha y habilidadnan fuerte di

liderato. Ademas, mescos cu Martin, e tin un dedicacion fuerte pa servicio na comunidad, y e lo haci un bon trabao pa sigui traha riba e programanan grandi pa comunidad cu e refineria tin."

Martin Parrish a sirbi como Vice-President y Gerente General di e refineria na Aruba desde Maart 2004.

"Martin a haci un bon trabao di lidera e refineria di Aruba, y e refineria lo sigui di ta bao di su wowo di

responsabilidad," segun Marcogliese a bisa. "Su promocion ta un oportunidad grandi pe y pa Valero, como cu nos mester di un hende cu su experiencia pa supervisa nos operacionnan cu ta creciendo rapidamente."

Acusado tin di bay paga awor!

Boter di Guinness, un paki di cigarria y lighter a costa 250 Florin

ORANJESTAD(AAN): E acusado di inicial D.G.W a worde acusa di a horta un boter di Guinness Stout, un paki cigarria y un lighter.

El a presenta Diahuebs dilanti di mesa berde, unda cu a sali na cla cu e tabata bao di influencia riba e anochi cu el a bay na un pomp di gasoline y el a coi e articulonan.

Segun e cahera, e persona a coi e cosnan y a bise cu "si e kier", e por yama polis. E homber a sali for di e lugar y e cahera a coi su number di auto.

Riba e video di e lugar, por a wak claramente kico a sosode, pues polis a bay busca D. y a haye.

Den corte el a splica cu el a

kere cu e tabata tin placa den su auto, sinembargo esaki no tabata e caso, pues el a dicidi di bay su cas pa busca e placa.

Huez a mustre riba e echo cu polis a haye leu for di su cas y cu claramente e no tabata tin e intencion di bin back pa paga e cuenta.

Huez a dune un boet di 250 Florin.

Informe nobo

Ta dialuna lo tin School na Maria College MAVO

ORANJESTAD (AAN): Maria College kier a informa mayornan cu e prome dia di school pa aña escolar 2005-2006 lo ta dialuna, 22 di augustus 2005.

Anteriormente a anuncia cu school lo start awe Diabierna. Pero aparentemente e problema no a worde resolvi ainda.

Pues, te Dialuna lo tin school. School ta cuminsa normal 7:45a.m. y mayornan por busca nan yiu back 1:30 p.m.

BEST DEAL


PARADERA

Tel; 582-7050/582-7100

BEST SHOPPING DEAL

Turibana Plaza

Tel; 586-5455



Deep Fryer
Afl. 79,95

